

نومرو ۱۴۲

اجتهاد

۳۱ کانون ثانی ۱۹۲۲

اداره خانه سی

جفال اوغلنده « اجتهاد نوی »

تلفون : استانبول ۸۶۵

حیاتی ، فلسفی ، اجتماعی فکر غزته سی

«اون یدنجی سنه تأسیسیه»

Adresse

Idjtihad Constantinople

Téléph : St. 865

وراثت

مېنك اڭ سرهم سېمې - وراثت قانوندری - منتقل
و آفل نشاندر - والده و بېرك قانونه دراشده موقعی -
استفرا د صنعت، سیمه و مزاج میراثدری - ارثی انتخابدر.

نوزاد، آنا ایله بابانك اشكال و اوصافی حاتر اولدینی
حاله دنیایه کلیر . صاغلام آنا، بابانك چوجونگی علتلی
اولماز. بعضاً ابون ظاهر آياك سالم کورینورده چوجوق
معلول دوغار . بونی غریب کورمه ملی ، تخمی بوزان
سبیلری آرامالی . آنا رحنه دوشن ایلك رشیم بدرک
نطفه سنده کی « حوین منوی » دهنیلن بر حجره چکه
والده نك یومورطه لقلرندن آیده بررحه دوکیلن یومورطه -
جق لردن بری نك قایناشمه سیله تشکل ایدر بو حقیقی
وصلتک محصولی هان متساویاً آنا ایله بابانك بنده و شمائی،
سجیه و خصائلنی حاویدر . او آرتق بشر نامزدی ،
ابونینک مورفولوژیسنی و روحنی نسجه صیغدرمش
برمینیا توردر . بعضاً پدر و والده سالم کوروندیکی حالد
تخملمری بوزوق اولور، بویله بوزوق تخملمر چقلشیدیکی
ایچون محصول سقطدر . یاخود تخملمر سالم درده والده
کبه قالدقن صکره برطاقم عارضه لرله اوغرار او عارضه -
لرک عکس صدماتی رشیمی رخنه دار ایدر . جرثومه بی
تلویث ایدن بوسه بیلرک محصول اوزرنده تأثیری بک
زیاده در . اونک ایچون صاغلام آنا، بابانن خسته لقلی
چوجوق دنیایه کلیدیکی کوریلنجه وراثت قانونلرینه
ضد بر استثنا قارشوسنده اولدیغمزی ظن ایتمه ملی ن .

قبل الوصال و بعد الحبل جرثومه یه نه کی ضرر لر عارض
اولدیغنی آراشدیرمالی یز . طبابت روحیه ده تخمک بو -
صورتله بوزولماسنه « فساد جرثومه » دییورز . مثلاً
زنده و توانا بر ایچی دوشکونی ، هله وصلت هنگامنده
بر آزده چاقیر کیف ایسه جرثومه لری بوزولور ، آرتق
بویله بر محصول حبل صرع لی ویا آبدال اولورسه هیچ
خیرت ایتمه ملی یز . کذا بابانك فرنکیلی ویا والده نك
متورم اولوشی ، کهلك اثناسنده آنه نك تیفو کی آغیر

بر خسته لقی کچیریشی رشیمی افساد ایدر . دوغار کن
لاوطه حکیملمری مداخله سنی استلزام ایدن کوجا لکلر
و چوجو غک باشنی فورسه پس له تضییق دماغی و قشرنده کی
اومهم و نازک حجره لری آزه چکی ایچون ابون صاغلام ده
اولسه نوزاد سقط چقار . بونلر وراثت قانونتی بوزان
مثال لرو مستثنا لر صایلاماز بونکی عارضه لرله اوغرامادینی
تقدیرده وراثت قانون لرینه او یغون بر حالد دنیایه کلن
نوزاد ابونینک بوتون شمائل و خصائلنی جامع در . اوده
بونلری اولدینی کی دیگر بر نسله تودیع ایده چک در .
بلنکه عصر لرجه توالی ایدن بر تناسخ تخمک ارثی
حصلت لری آچوق بوزا بیلر ، ابونیندن توارث ایدیلن
شکل لر ، رنگ لر ، خوی لر نوزادک دوشدیدیکی
محیطده تربیه و جدال حیات تأثیر یله قسماً دکیسه بیلور .
واقعا اقلیمک ، غذانک ، بوفطری موهبلر اوزر لرینه
تأثیری انکار اولونماز . حتی اونک ایچون وراثت
قانونلرینی (داروین) ک تکامل و انقلاب نظریه لری اتمام
ایدر . فقط تاریخ طبیعی کی اولچوسی عصر لر اولان
بر علم دکل ، طبابت روحیه کی بو گونه عا د برفن ، وراثته
هپسندن فضله بر موقع و بر مکه مجبوردر .

آنا بابانن ساده عنوان و ثروتک دکل حسن و قبحک
ضعف و قوتک ، سجیه و مزاجک کچدیکی معلومدر .
« آنا بابا اتمش ، اولاد لری چکمش » ، « اولد سرا بیه » ،
« آنا بابا قوروق یه مش » ، چوجوق لری نك دیشی آغرمش ،
« عاقبت کرک زاده کرک شود » و جیزه لری خلق آره سنده
وراثته ویریان قیمتی کو سترر . فی الحقیقه ابونینک طبیعی
و مرضی بر چوق قصور و کمال لری اولاد لرینه کچر .
بوی ، سیا ، رفتار ، کلام کی ، قیسه قانچلق ، طمع کارلق ،
جو مردلک کی روحی خصوصیت لر انتقال ایدر . فقط
نوزاد کلیشی کوزل ابونینک بوتون قصور لرینه دکل بر
قاعده داخلنده بر چوق لرینه توارث ایدر . نسلدن نسله
بر قسمی آره دن غیب اولور ، بعضلری ده بارز بر
وصف آیر . وراثت قانونلریله حیوانات ، نباتات و علم
بشر متخصصلری عصر لردن بری مشغولدر . حتی
ایلك ابتدا حیوانات و نباتات اوزرنده تطبیق ایدیلن
بو قانونلر بالا خره طبابت بشریه ده ، بالخاصه روحیه ده

کسی قصور و کمال نسلدن نسله انتقال ایدرمی؟ مسئله سی ده چوق تدقیق ایدیلش در . مدنیته بر چوق عصر اول کیردن اور و پالی لک یکی داخل اولان ژاپونلردن دها ذکی و دها مستعد اولمادیغی کوریورز . داهیلر، عالملر یتشدر مکده عصری وراثت کدکل، آنجیق عرفانک تأثیری اولیور . بوسنه آفریقا زنجیلری آرمسند برکنجک فرانسر ادبیاتنده برنجیلک مکافاتی اله جق قدر شاه اثرلر یازدیغی هیمز دویق . محاربه ده قولی و باجای سقط قالان عسکرلردن هیچ بری نک چوجوغی باباسی کبی سقط چیقما یور، بیکارجه سنه لردن بری مسلمانلر و یهودی لر سنت ایدلدیکی حالدده چوجوقلری سنتلی دوغمیور . او حالدده فیزیکی قصورلر انتقال ایتمیور، فقط کیمبوی، سمی و انتانی قصورلر اویله دکل. قانک ترکیبی بوزارق جرثومه نی تلویث ایدن لر عینی شکله و یا باشقه قالبده کچور . مثلاً بابانک فرنکیسیله چوجوق خسته دوغدیغی کبی ایچکی سندن ده ارثی ضرره اوغرا . دینی محقق در .

پک اسکی زمانلردن بری بیلینن بر کیفیت ده سینیر و عقل خسته لقلری نک وراثتی در . مختلف مملکتلرده ارثک جنت حصولنده تأثیری تدقیق ایدیلش، اوزون اوزادی ایستاتیسیتقلر یاییلمش در . واقعا مقدارلر آرمسند اختلاف واردر . آنجیق قرق الی سنه لک وقایع تدقیق ایدیله بیلدیکی، دنیا ده کی دلیرک پک آزی تیمارخانه لرده اولدیغی، هله برخسته نک ابویتنک عمجه و خاله سنک محبتی او کرمنک هر زمان قولای اولمادیغی ایچون بوفرک کورولیور . فقط آشاغی یوقاری بوتون ایستاتیسیتقلر جنتک اسبابی آرمسند وراثته پک یوکسک قیمت ویریور . مثلاً (جنوه) ده «بل نه» تیمارخانه سنک ایستاتیسیتقنده خسته لک درتده بری نک ابویتنده جنت، نصفنده داء انکول، بر قسمنک یقین اقرباسنده مرض عقلی بولونمش در . بعضاً بر مجنونه والدنک دنیا ده کتیردیکی بش الی چوجوغک نصفی والدن سنک عینی خسته لغی له معلول، دیکرلری آزچوق سالم کورولیور . مع مافیله بوسالمر آرمسند صرعه، ایستهری، اخلاق غرابتی کبی اکسیکلک لرده بولونیور . ساده جنت دکل

واسع بر ساحت تدقیقات بولمش؛ عقل و اخلاق، حرکات و حسیات کبی دماغده تجلی ایدن خواصک ده بوقواعد تبعاً توارثی تأید ایتش در . اون دو قوزنجی عصرک صوکلرینه دوغری حیوانات و نباتات مراقیسی (مهندل) اسمنده بر آلمان باباسی وراثت قانونلری وضع ایتشدی . سنه لرجه مهمل قالان بوفکر کچن عصرده (انکلتزه) و (آمریقا) ده بویوک بر اعتبار قازاندی . آرتق مهندل قانونلری بوکونک علمی اولدی .

بر ایکی کله ایله «مهندل قانونلری» نی شویله تلخیص ایدم بیلیرز : اولاً نباتات و حیواناتده تصایب صورتیله میدانده کتیریلن نوزاد، پدر و والدنک آری آری بوتون علامت فارقلری حائر دکل در . برینک نشانه لری دیکرینه فائق طرزده بولونیور . میدانده چیقان بو علامتله منتقل، مغلوب قالان خصوصیتلرده آفل ده نیر . او حالدده نوزاد ابویتن بری دها زیاده آکدیریر . ثانیاً یکی نسل لرده بر برلریله چنتلشدیریلیرسه یوزده یتش بش فائق، یکر می بش آفل نشانه لر اظهار ایدر . او حالدده بویله ملز چوجوقلرده اولجه سونن علامت لر یکیدن میدانده چیقار . ثالثاً بر برینه ضد بر چوق علامت فارقلرده عینی شخصده یان یانه کورولور . مثلاً جلدی نک رنکی پدرینه بکزرکن والدن سی کبی برخال ایله ده مزین اولور . یا خود والدن سی کبی کور صاچلی اولورده صاچلری رنکجه پدرینک کسندن فرقلی اولماز . (مهندل) قانونلری بطنلرجه تدقیق ایدیلش، مثلاً پارمقلر ده کی برسوه تشکک نه طرزده آفل و فائق وصفده اخلافده میدانده چیقوب غیب اولدیغی کورولمش، حتی موسیقی و ترسیم کبی استعدادلرکده نه طرزده توارث ایتدیکی آراشدیریلش در . انکلیز عالملردن «گالتون» وراثت تدقیقاتنده دیکر بر نتیجه یه دها واصل اولمش : بوعالمک ادعاسنجه بر چوجوقده ابویتنک نصفلری، ایکی دده وایکی ننه سنک دردرده بری، اوندن بر اول بطنده کی درت جد ودرت جده سنک سکزرده بری ... الخ موجود در . بو حالدده شجره و اصالت ادعالری پک دوغری اولماسه کرکدر . بش بطن صکره ارثی خاصه لر پک آز قالیور .

شاعر (کوته) نك بوتون قابليت شعريه سی والده سندن موروث در . « غالتون » پدر دن اراده ، والده دن ذکا انتقال ایدر دیور و (شوپناهوهر) ی مثال کوستریور . « قره به لیل » طبیعی استعداد لک پدر دن ، مرضی لک والده دن کچدیکنی اوزون ایستایستیقلره استناداً قبول ایدیور . کوریلور که حیات روحی مز ، دیکشدریله سی بزم المزده اولمایان ارثی قوتلک النده در . فقط موجود قابلیتلی افنا ایتمه مک و خلفلرمزی دهامسعود بر آتی به نائل ایتمک ایچون کرک صاعلام برأش سچمک و کرک برطاقم سموم وامراض ایله جرثومه مزی افساد ایتمه مک اراده مز خارجنده دکل در . ایشته بوقانونلره وقوف ورعایت سایه سنده نسل بشرک اصلاحی واصطفاسی قابل اولور .
دوقتور مظهر عثمانه

طبابت روحیه منطقه سنه کیرهن سر خوشلق ، اخلاق سزلق ده ارثی در . اتحار میلی بیله ابوبندن اولاده کچور . بعضی عائله لده اتحار آرزوسی عادتا منعی غیر قابل بر علت حالنده در . باباسنک یاشنه کلنجه حتی عینی طرزده اتحار ایده نلر کورولیور . هله آنانک ، بابانک خسته لق زماننه یقین دوغان چـ وجوقلرده بوروحی میراث لر دهام فضلله کوزه چارپیور .

متخصصلرده مراق حسی ابوبندن استعداد و شأنت کیفیتلری نك نه صورتله انتقال ایتدیکنی تفحصه سوق ایله مش در . يك مشهور امراض عصیه عالمیلری نك بولدینی نتیجه لر اولدقجه مراق آوردور . مثلاً « مویوس » موسیقی ، رسم ، هیكلتراشلق نوعدن صنایع نفیسه نك پدر دن ، ساده شعرك والده دن انتقال ایتدیکنی سوبیلور .

صحت عمومییه عائد مساعی

۴ [*]

بو یوک خسته لور

— دوام —

بو یوک خسته لق ، عنوانی مقاله نك روحلی نقطه لرینی یازمه یه و بوتون موضوعی اجماله دوام ایدیورز : صوك اللی سنه ظرفنده ، [یعنی ۱۳۳۰ سنه سنه تقدم ایدن صوك اللی سنه ظرفنده] ممالك عثمانیه ایکی میلیون مسلمان هرت ایتشدور .

بویکی میلیون مسلمان دن ، یدی سنه اول ، یالکز یارم میلیون قالمشدی . حرب عمومی انساننده دوام ایدن و متارکدن صوگره دخی مع التأسف دوام ایتدیریلن فاجع ، غار انکیز و احماکار جدال لر نتیجه سی اولاراق روم ایلی دن و حتی آناتولودن هجرت ایدن مسلمان مهاجرلر کعددی میلیون کچمشدور . بونسخه نك « عمرانی واجتماعی ماقوع لر » ستوننده مهاجرلره معاونت ایچین متشکل بیر انکلیز قومیه سنک ویردیکی ارقام مهم ومدهدشدر .

قاره حمی ، قانلی باصور ، قوش پالازی ، بوغماجه کبی خسته لقلرک ویردیکی و فیات مقداری مسکوت کچیلور . تراخومانک ، کورایتدیکی کوزلر حقنده کیسه نك

۱۳۹ ، ۱۴۰ و ۱۴۱ نومرولواجتهدلره دخی باقک .

خبری یوقدر . ایه سزلک وابه لک قسم اعظمنده علمسزلک مهم مقدارده نوزاد ولوغوصه تلفاتی یاییور .

دوقتور حسنی عاطف بکک تأییدینه کوره (مارماریس) ، که اون ایکی بیک نفوسلی بیر شهر در ، بوراده دوقتور یوقدر ، اجزاخانه یوقدر ، ایه یوقدر ، و اوچ آی طرفنده اوتوز ولوغوصه ، چوجوقلریله تلف اولمشدر .

الیوم آناتولوده مهم بیر خدمت صحیه ایها ایتمکده اولان دوقتور لطفی بک ، اوچ کویک قاره حما و صیتمه یوزندن تماماً سکنه سز قالدیغنی کورمشدر . قوش پالازی کویلرک بوتون چوجوقلرینی آلمشدر . بوفاجعه نك مفصلنی ۱۱۷ نومرولو (اجتهاد) ده او قویک . کرماستی ، نهرینک منصی دولمشدر . نهر (آپوللون) کولنه منصب اولور . اطرافنده کی اهالی یازین خزان یاپراقلری کینی دو کولور ، اولورلر . ازنیق کولی اوزم درنده (بازار کوی) و (ازنیق) ناحیه سی محو اولماقده در . (دارالعجزه) یی سکز سنه اول زیارت ایتدیکم وقت شو معلوماتی آلمشدم : ۱۳۱۹ دن ۱۳۲۹ سنه سنه قادار بومؤسسسه نك ارضاعخانه سنه ۶۷۹ چوجوق کلشدر : ۱۹۱ ی ابوبینه یاخود اولادله ویریشدر ، ارضاعخانه ده ۴۸۸ چوجوق قالمش ، بونک ۴۵۷ سی اولمش ، آنحاق ۳۱ ی معمر قالمش !
۱۶ کانون ثانی ۱۹۲۲ تاریخلی (پیام صباح) ده